

四庫全書

集部

欽定四庫全書

石倉歷代詩選卷八十二

明 曹學佺 編

晚唐九

于濇

字子清  
杜曲人

秦富人

高高起華堂  
遠遠引流水  
糞土視金珍  
猶嫌未奢侈  
陋巷滿蓬蒿  
誰憐有顏子

擬古意

白玉若無玷花顏須及時國色久在室良媒亦生疑鴉  
鬢未成髻鸞鏡徒相知翻嫌效顰者却笑從人遲

思歸引

不耕南畝田為愛東堂桂身同樹上花一落又經歲交  
親日相薄知己思潛替日開十二門自是無歸計

馬嵬驛

常經馬嵬驛見說坡前客一從屠貴妃生女愁傾國是

日芙蓉花不如秋草色

隴頭吟

借問隴頭水終年恨何事深疑鳴咽聲中有征人淚自  
古蘊長策況我非才智無計謝潺湲一宵空不寐

塞下曲

紫塞曉屯兵黃沙披甲卧戰鼓聲未齊烏鳶已相賀燕  
然山上雲半是離鄉魂衛霍待富貴何嘗聞此言

山村曉思

開門省禾黍鄰翁水頭住今朝南澗波昨夜西川雨牧  
童披短蓑腰笛期煙渚不問水邊人騎牛傍山去

南越謠

迢迢東南天巨浸無津壩雄風卷昏霧干戈滿艘船此  
時尉佗心兒童待幽燕三寸陸賈舌萬里漢山川苦令  
交趾負盡生虞芮田天意苟如此遐人誰肯憐

古宴曲

雉扇合蓬萊朝車回紫陌重門集嘶馬言宴金張宅燕

蝶戀衰草軫我離鄉心更見庭前樹南枝巢宿禽

田翁嘆

手植千樹桑文杏作中梁頻年徭役重盡屬富家郎富  
家田業廣用此買金章昨日門前過軒車滿垂楊歸來  
說向家兒孫竟咨嗟不見千樹桑一浦芙蓉花

長城

秦皇豈無德蒙氏非不武豈將版築功萬里禦外侮團  
沙世所難作壘明知苦死者倍堪傷僵屍猶抱杵十年

娥奉卮酒低鬟若無力十戶手胼胝鳳凰釵一隻高樓  
齊下視日照羅衣色笑指負薪人不信生中國

秦原覽古

耕者戮力地龍虎曾角逐火德道將亨夜逢虵母哭昔  
日望夷宮是處尋桑穀漢祖竟為龍趙高徒指鹿當時  
行路人已合傷心目漢祚又千年秦原草還綠

旅館秋思

旅館坐孤寂出門成苦吟何事覺歸晚黃花秋意深塞

居上郡四海誰為主縱使骨為塵冤名不入土

沙場夜

城上更聲發城下杵聲歇征人燒斷蓬對泣沙中月耕  
牛胡輓甲戰馬夜銜鐵士卒浣戎衣交河水為血輕裘  
兩都客洞房愁宿別何況遠辭家生死猶未決

里中女

吾聞池中魚不識海水深吾聞桑下女不識華堂陰貧  
窻苦機杼富家鳴杵砧天與雙明眸只教識蒿簪徒惜



越娃貌亦蘊韓娥音珠玉不到眼遂無奢侈心豈知趙  
飛燕滿髻釵黃金

寒食

二月野中芳凡卉亦能香素娥哭新冢樵柯鳴柔桑田  
父引黃犬尋狐上高岡墳前呼犬歸不知頭似霜

邊遊錄戍卒言

二十屬盧龍三十防沙漠平生愛功業不覺從軍惡今  
來容鬢改知學彎弓錯赤肉痛金瘡他人成衛霍目

天壽畏不容燒金希長年積土培枯根自謂松柏堅南  
陌試騷裹西樓歌嬋娟豈知蔓草中日日開夜泉

子從軍

男作鄉中丁女作鄉男婦南村與北里日日見父母豈  
似從軍兒一去便白首何當鑄劍戟盡得丁男守

季夏逢朝客

澹水桃李熟杜曲芙蓉老九天休沐歸腰玉垂楊道避  
路回綺羅迎風嘶騷裹豈知山谷中日日吹瑤草

觀廉女真 蔡女真 善隸書 常為內中學士

玉牕拋翠管 輕袖掩銀鸞 錯落雲車斷 丁冷金磬寒 鶴  
尋深院睡 人借舊書看 寂寞焚香處 紅花滿石壇

送人入蜀

蜀客本多愁 君今是勝遊 碧葳雲外樹 紅露驛邊樓 杜  
魄呼名語 巴江作字流 不知煙雨夜 何處夢刀州

題故王駙馬池亭

花樹杳玲瓏 漁舟處處通 醉銷羅綺艷 香暖芰荷風 野

高樓

遠天明月出照此誰家樓上有羅衣色涼風吹不休

題長信宮

莫訪古宮名古宮空古城只應東去水不改舊時聲

李遠

字承古  
西蜀人

閒居

塵事久相棄沈浮皆不知牛羊歸古巷燕雀遠踈籬買藥經年曬留僧盡日碁唯憂釣魚伴秋水隔波時

欲入鳳城遊西溪別惠休色隨花旋落年共水爭流客  
思偏來夜蟬聲覺送秋明朝逢舊侶唯擬上歌樓

贈殷山人

有客抱琴宿值予多怨懷啼鳥絃易斷嘯鶴調難諧曲  
罷月移愧韻清風滿齋誰能將此妙一為奏金階

贈潼關不下山僧

與君同在苦空間君得空門我愛閒禁足已教修雁塔  
終身不擬下雞山牕中遙指三千界枕上斜看百二關

鳥翻萍綠斜橋印水紅子猷蕭管絕誰愛碧鮮濃

悲銅雀臺

西陵樹已盡銅雀思偏多雪密疑樓閣花閒想綺羅影  
銷堂上舞聲斷帳前歌唯有漳河水年年舊綠波

詠雁

早晚辭沙漠南來處處飛關山多雨雪風水損毛衣碧  
海魂應斷紅樓信自稀不知矰繳外留得幾行歸

與碧溪上人別

擬古風

洛陽大道傍甲第何深邃南畝無一廛東園有餘地春  
溪花桃李秋沼生荷芰草木本無情此時如有為旱苗  
當龍死流水資嘉致余心甘至愚不會皇天意

越溪女

會稽山上雲化作越溪人枉破吳王國徒為西子身江  
邊浣紗伴黃金扼雙腕倏忽不相期思傾趙飛燕妾家  
基業薄空有如花面嫁盡綠牕人獨自盤金線

早發

綠野含曙光  
東北雲如茜  
棲鴉林際起  
落月水中見  
此身何自苦  
日日凌霜霰  
流蘇帳裏人  
猶在陽臺畔

贈太行開路者

手斲太行山  
心齊太行巔  
斲盡太行險  
君心更摩天  
何如回苦辛  
自鑿東臯田

戍卒傷春

連年戍邊塞  
過却芳菲節  
東風氣力盡  
不減陰山雪  
蕭



窮秋幾日雨處處生蒼苔舊國寄書後涼天方鴈來露  
繁山草濕洲暖水花開去盡同行客孤帆尚未回

書懷

長安多路歧西去欲何依浮世祇如此舊山長憶歸自  
離京國久應已故人稀好與孤雲住孤雲無是非

過侯王故第

過此一酸辛行人淚有痕獨憐雙碧樹猶擁舊朱門歌  
歇雲應散簷空燕尚存不知彈鋏客何處感新恩

條柳一株南枝葉微發為帶故鄉情依依藉攀折晚風  
吹磧砂含淚啼鄉月

青樓曲

青樓臨大道一上一回老所思人不來極目傷春草

孤雲

南北各萬里有時心更閒因風離海上伴月到人間洛  
浦少高樹長安無舊山徘徊不可駐漠漠又空還

南遊

遠水

悔作望南浦望中生遠愁因知人易老唯有水長流欲  
附故鄉信不逢歸客舟萋萋兩岸草又度一年秋

贈王隱者山居

石室埽無塵人寰與此分飛來南浦樹半是華山雲浮  
世幾多事先生應不聞寒山滿西日空照鴈成羣

山中桂

日暖上陽路鳥啼知幾春忽逢幽隱樹如見獨醒人石

冷花開晚風多葉落頻樵夫應不識歲久伐為薪

夜尋僧不遇

數歇渡煙水漸非塵俗間  
泉聲入秋寺月色遍寒山  
石路幾回雪竹房猶閉闕  
不知雙樹客何處伴雲閒

天南懷故人

獨思千里路軋軋轉征輪  
一別已多日總看成老人  
洞庭霜不下故國草應春  
二月煙波暖南風生綠蘋

遊中梁山

宿江口

南渡人來絕喧喧  
鴈滿沙自生江上月長有客思家半  
夜下霜岸北風吹荻花自驚歸夢斷不得到天涯

夜泊湘江

北風吹楚樹此地獨先秋  
何事屈原恨不隨湘水流涼  
天生片月竟夕伴孤舟  
一作南行客無成空白頭

勸酒

勸君金屈卮滿酌不須辭  
花發多風雨人生足別離

秦滅燕丹怨正深  
古來豪客盡沾襟  
荆卿不了真閒事  
辜負田光一片心

黃陵廟詞

黃陵廟前莎草春  
黃陵女兒倩裙新  
輕舟小楫唱歌去  
水遠山長愁殺人

石倉歷代詩選卷八十二

河畔猶殘翠眉樣  
有時新月傍簾鉤

過馬嵬山

金甲雲旗盡日迴  
倉惶羅袖滿塵埃  
濃香猶自飄鑾輅  
恨魄無因離馬嵬  
南內宮人悲帳殿  
東溟方士問蓬萊  
唯餘坡上彎環月  
時送殘蛾入帝臺

慈恩寺避暑

香荷疑散麝風鐸  
似調琴不覺清涼  
晚歸人遍柳陰

讀田光傳

欽定四庫全書

石倉歷代詩選卷八十三

明 曹學佺 編

晚唐十

馬戴 字虞臣

春思

初日照楊柳玉樓含翠陰啼春獨鳥思望遠佳人心幽  
怨貯瑤琴韶光凝碧林所思曾不見芳草意空深



送從叔赴南海幕

洞庭秋色起  
哀狖更難聞  
身往海邊郡  
帆懸天際雲  
炎州羅翠鳥  
瘴嶺控蠻軍  
信息來非易  
堪悲此路分

江行留別

吳楚半秋色  
渡江逢葦花  
雲侵帆影盡  
風逼鴈行斜  
返照開嵐翠  
寒潮蕩浦沙  
余將何所往  
海嶠擬營家

將別寄友人

帝鄉歸未得  
辛苦事羈遊  
別館一罇酒  
客程千里霜

風紅葉寺夜雨白蘋洲長恐此時淚不禁和恨流

客行

路岐長不盡客恨杳難通蘆荻晚汀雨柳花南浦風亂  
鐘嘶馬急殘日半帆紅却羨漁樵侶閑歌落照中

過野叟居

野人閒種樹樹老野人前居止白雲內漁樵滄海邊呼  
兒採山藥放犢飲溪泉自著養生論無煩憂暮年

夕次淮口

天涯秋光盡木末羣鳥還夜久遊子息月明岐路閒風  
生淮水上帆落楚雲間此意竟誰見行行非故關

落日悵望

孤雲與歸鳥千里片時間念我一何滯辭家終未還微  
陽下喬木遠色隱秋山臨水不敢照恐驚平昔顏

寄終南真空禪師

閒想白雲外了然清淨僧松門山半寺夜雨佛前燈此  
境可長住浮生自不能一從林下別瀑布幾成冰

雲掛絕島迴樹入通津想到長洲日門前多白蘋

沂上勸舊友

斗酒故人同長歌起北風斜陽高壘閉秋角暮山空  
鴈叫寒流上螢飛薄霧中坐來憂白髮況復久從戎

楚江懷古三首

露氣寒光集微陽下楚丘猿啼洞庭樹人在木蘭舟  
廣澤生明月蒼山夾亂流雲中君不降竟夕自悲秋

鷺鳥去無際寒蛩鳴我傍蘆洲生早霧蘭隰下微霜列

長安贈賈島

歲暮見華髮平生志半空  
孤雲不我棄歸隱與誰同  
枉道紫宸謁妨裁丹桂叢  
何如隨野鹿棲止石嵒中

秋郊夕望

度鳥向棲急陰蟲逢夜多  
餘霞媚秋漢迴月濯滄波  
蔓草將萎絕流年其奈何  
耿耿搖落思獨酌不成歌

送顧非熊下第歸江南

無成西別秦返駕江南春  
草際楚田鴈舟中吳苑人  
殘

香茗一甌從此別轉蓬流水幾時還

過舊遊見雙鶴愴然有懷

謝公何處掩松楸雙鶴依然傍玉樓  
朱頂巔岈荒草上雪毛零落小池頭  
蓬瀛路斷君何在雲水情深我尚留  
他日若來華表上更添多少令威愁

贈友人

鳳城煙靄思偏多曾向劉郎住處過  
銀燭焰前貪勸酒玉簫聲裏已聞歌  
佳人惜別看嘶馬公子含情向翠蛾

今日重來門巷改出牆桐樹綠婆娑

聽話叢臺

有客新從趙地迴自言曾上古叢臺雲遮襄國天邊盡  
樹遶漳河地裏來絃管變成山鳥哢綺羅留作野花開  
金輿玉輦無蹤跡風雨誰知長碧苔

贈南嶽僧

曾住衡陽嶽寺邊門開江水與雲連數州城郭蔽寒樹  
一片風帆著遠天猿嘯不離行道處客來皆到卧牀前

第一莫教漁父見且從蕭颯滿朱欄

失鶴

秋風吹却九臯禽一片閒雲萬里心碧海有情應悵望  
青天無路可追尋初來白雪翎猶短欲去丹砂頂漸深  
華表柱頭留語後更無消息到如今

聽王氏子話歸州昭君廟

獻之間坐說歸州曾到昭君廟裏遊自古行人多怨恨  
至今鄉土盡風流泉如珠淚侵堦滴水似紅妝滿岸愁



今朝惆悵紅塵裏  
惟憶閒陪盡日眠

聞明上人逝

蕭寺曾過最上方  
碧梧濃葉覆西廊  
遊人縹緲紅衣醉  
座客從容白日長  
別後旋成莊叟夢  
書來忽報惠休亡  
他時若更相隨去  
祇是含酸對影堂

鄰人自金仙觀移竹

移居新竹已堪看  
斲破苔莓得幾竿  
圓節不教傷粉籜  
低枝猶擬拂霜壇  
牆頭枝裊如煙綠  
枕上風來送夜寒

嘗靈藥味談及故山心得意兩不寐微風生玉琴

送人遊蜀

別離楊柳陌迢遞蜀門行若聽清猿後應多白髮生  
虹蜺侵棧道風雨雜江聲過盡愁人處煙花是錦城

宿無可上人房

稀逢息心侶細話遠山期河漢秋深夜杉松露滴時  
風傳林磬響月掩草堂遲坐卧禪心在浮生皆不知

寄西岳白石僧

金史卷八十三  
卷八十三  
挂錫中峰住經行踏石梯雲房出定後岳月向池西峭  
壁殘霞照欹松積雪齊年年著山屐曾得到招提

懷故山寄賈島

心偶羨明代學詩觀國風自從來闕下未勝在山中丹  
桂日應老白雲居久空誰能謝時去聊與此生同

灞上秋居

灞原風雨定晚見鴈行頻落葉他鄉樹寒燈獨夜人空  
圍白露滴孤壁野僧隣寄卧郊扉久何門致此身

蛩聞塞路冷鴈背龍沙西次桑乾曲洲中見荻花

江亭贈別

長亭晚送君秋色渡江濱  
衰柳風難定寒濤雪不分  
猿聲離楚峽帆影入湘雲  
獨泛扁舟夜山鐘可卧聞

寄剡中友人

故人今在剡秋草意如何  
嶺暮雲霞雜潮迴島嶼多  
沃洲僧幾訪天姥客誰過  
歲晚偏相憶風生隔楚波

送國子韋丞

寄崇德里居作

掃君園林地澤我清涼襟高烏雲路晚孤蟬楊柳深風  
微漢宮漏月迴秦城砧光景坐如此徒懷經濟心

隴上獨望

斜日掛邊樹蕭蕭獨望間陰雲藏漢壘飛火照胡山隴  
首行人絕河源夕鳥還誰為立勲者可惜寶刀閒

別家後次飛狐西即事

遠歸從此別親愛失天涯去國頻回首方秋不在家鳴

臨水獨相送歸期千里間雲迴逢過雨路轉入連山一  
騎行芳草新蟬發故關遙聆茂陵下夜啟竹扉聞

題吳發原南居

閒居誰厭僻門掩漢祠前山色夏雲映樹陰幽草連晴  
光分渚曲綠氣冒原田何日遠遊罷高枝已噪蟬

雒中寒夜姚侍郎宅懷賈島

夜木動寒色雒陽城闕深如何異鄉思更抱故人心微  
月關山遠閒堦霜霰侵誰知石門路待與子同尋

送朴山人歸新羅

浩渺行無極揚帆但信風雲山過海半村樹入舟中波  
定遙天出沙平遠岸窮離心寄何處日斷曙霞東

題靜住寺欽用上人房

寺近朝天路多間玉珮音鑒人開慧眼歸鳥息禪心磬  
接星河曙窗連夏木深此中能宴坐何必在雲林

贈楊先輩

平生閒放久野鹿自為羣居止隣西岳軒窗度白雲齋

金少曰  
卷八十三  
論文期雨夜飲酒及芳晨坐嘆百花發潛驚雙鬢新  
舊交多得路別業遠仍貧更欲辭知己歸耕海上春

送春坊董正字浙右歸覲

去覲毗陵日秋殘建業中  
莎垂石城古山濶海門空  
灌木寒檣遠層波皓月同  
何當復讎校春集少陽宮

寄襄陽王公

君馬勒金羈君家貯玉笄  
白雲登峴首碧樹醉銅鞮  
澤廣荊州北山多漢水西  
鹿門知不隱芳草自萋萋



心飯松子話道接茅君漢主思清淨休書諫獵文

贈鄆縣尉李先輩

同人家鄆杜相見罷官時野坐苔生石荒居菊入籬聽  
蟬臨水久送鶴背山遲未擬還城闕溪僧別有期

其二

休官不到闕求靜匪營他種藥唯愁晚看雲肯厭多渚  
邊逢鷺下林表伴僧過靜簡仙方試松花酒自和

下第別令狐員外

鶴空庭下爽人遠岸居山鄉足遺老佇聽薦賢書

山行偶作

緣危路忽窮投宿值樵翁鳥下山含暝蟬鳴露滴空石  
門斜月入雲竇暗泉通寂寞生幽思心疑舊隱同

巴江夜猿

日飲巴江水還啼巴岸邊秋聲巫峽斷夜影楚雲連露  
滴青楓樹山空明月天誰知泊船者聽此不能眠

送田使君牧蔡州

宿分窮野空流注大荒看山候明月聊自整雲裝  
野風吹蕙帶驟雨滴蘭橈屈宋魂冥莫江山思寂寥陰  
霓侵返景海樹入迴潮欲折寒芳薦明神詎可招

遠水

蕩漾空沙際虛明入遠天秋光照不極鳥影去無邊勢  
引長雲斷波凝片雪連汀洲杳難到萬古覆蒼煙

送呂郎中牧東海郡

假道經淮泗檣烏集隼旗蕪城沙葦接波島石林踈海

主意思共理牧人官不輕樹多淮右地山遠汝南城望  
稼周田隔登樓楚月生懸知蔣亭下渚鶴伴閒行

雀臺怨

魏宮歌舞地蝶戲鳥還鳴玉座人難到銅臺雨滴平西  
陵樹不見漳浦草空生萬恨盡埋此徒懸千載名

贈別江客

湘中有岑穴君去掛帆過露滴蒹葭廣潮迴島嶼多汀  
洲延夕照楓葉墮寒波應使同漁者生涯許釣歌

宿翠微寺

處處松陰滿樵開一逕通  
鳥歸雲壑靜僧語石樓空  
積翠含微月遙泉韻細風  
經行心不厭憶在故山中

送僧歸金山寺

金陵江色裏蟬急向秋分  
迴寺橫洲島歸僧渡水雲  
夕陽依岸盡清磬隔潮聞  
遙想禪林下鑪香帶月焚

新秋雨霽

夕陽逢一雨夜木洗清陰  
露氣竹窗靜秋光雲月深  
煎

下方雲雨上方晴  
鼠驚樵客緣蒼壁  
猿戲山頭撼紫檉  
別有一條投澗水  
竹筒斜引入茶鐺

山中作

屐齒無泥竹策輕  
莓苔逕滑夜難行  
獨開石室松門裏  
月照前山空水聲

姚鵠字居雲

書情獻知己

日日恨何窮  
巴雲舊隱空  
一為棲寓客  
二見北歸鴻  
有

道期攀桂無門息轉蓬  
賃居將磬比乞食與僧同  
花月登臨處江山萬里中  
衆皆輕病驥誰肯救焦桐  
坐惜春過半愁吟夜每終  
谷寒思變律葉晚怯迴風  
謁蔡慚王粲憐衡冀孔融  
深恩知尚在何處問窮通

曉發

旅行宜早發況復是南歸  
月影緣山盡鐘聲隔浦微  
殘星螢共失落葉鳥和飛  
去去渡頭火村中人出稀

送僧歸新羅

迴雲衝起汀遙鳥背飛誰言坐多倦目極自忘機

送人歸吳

東吳與上國萬里路迢迢為別晨昏久全輕水陸遙湘  
陰島上寺楚色月中潮到此一長望知君離恨銷

寄贈許璋少府

若說君高道何人更得如公庭惟樹石生計是琴書詩  
句峭無敵文才清有餘不知尺水內爭滯北溟魚

寄雍陶先輩



森森萬餘里扁舟發落暉滄溟何歲別白首此時歸寒  
暑途中變人煙嶺外稀驚天巨鰲鬪蔽日大鵬飛雪入  
行砂屨雲生坐石衣漢風深得習休恨本心違

題終南山隱者居

開門絕壑旁躡躡過花梁路入峰巒影風來芝朮香夜  
燈明雪牖春夢閉雲房盡室無餘物一琴兼一觴

嘉川驛樓晚望

樓壓寒江上開簾對翠微斜陽諸嶺暮古渡一僧歸窗

送程秀才下第歸

鶯遷與鷓退十載泣岐分蜀道重來老巴猿此去聞曉  
程侵嶺雪遠棧入溪雲莫滯趨庭戀榮親祇待君

和陝州參軍李通微首夏書懷呈同僚張裳段  
羣工先輩

公門何事更相牽邵伯優賢任養閑滿院落花從覆地  
半簷初日未開關尋仙鄭谷煙霞裏避暑柯亭樹石間  
獨為高懷誰和繼椽曹同處桂同攀

知音杳何處書札寄無由  
獨宿月中寺相思天畔樓  
露凝衰草白螢度遠煙秋  
悵望難歸枕吟勞生夜愁

寄友人

西風又開菊久客意如何  
舊國天涯遠清砧月夜多  
明時難際會急景易蹉跎  
抱玉終須獻誰言戀薜蘿

感懷陳情

恩重空感激何門誓殺身  
謬曾分玉石竟自困風塵  
陰谷非因暖幽叢敢豈望  
春升沈在言下應念異他人

玉真觀尋趙尊師不遇

羽客朝元晝掩扉林中一徑雪中微  
松陰遶院鶴相對  
山色滿樓人未歸  
晝日獨思風馭返  
寥天幾望野雲飛  
凭高目斷無消息  
自醉自吟愁落暉

和徐先輩秋日遊涇州南亭

多此歡情泛鷗舟  
桂枝同折塞同遊  
聲喧島上巢松鶴  
影落盃中過水鷗  
送日暮鐘交戍嶺  
叫雲寒角動城樓  
相酬笑話秋風裏  
誰道槐花更起愁

石倉歷代詩選卷八十三

送僧歸閩中舊寺

寺隔海山遙  
帆前落葉飄  
猿通楚塞驚  
鷺出蘭橈星  
月浮波島煙  
蘿渡石橋  
鐘聲催野飯  
秋色落寒潮  
舊社人多老  
閒房樹半凋  
空林容病士  
歲晚待相招

送韓校書江西從事

出關寒色盡  
雲夢草生新  
鴈背岳陽雨  
客行江上春  
遙程隨水澗  
枉路倒帆頻  
夕照臨孤館  
朝霞發廣津  
湖山潮半隔  
郡壁岸斜隣  
自此鍾陵道  
栽書有故人

送顧少府之永康

婺女星邊去春生即有花寒關雲復雪古渡草連沙宿  
次吳江晚行侵日微斜官傳梅福政縣顧赤松家燒起  
明山翠潮迴動海霞清高宜閱此莫嘆近天涯

幽上留別令狐侍御

自別丘中隱頻年哭路岐辛勤今若是少壯豈多時露  
滴陰蟲苦秋聲遠客悲晚營嚴鼓角紅葉拂旌旗北闕  
虛延望西林久見思川流寒水急雲返故山遲落照遊

日年且少事姑常有儀見多自成醜不待顏色衰何人不識寵所嗟無自非將欲告此意四隣已相疑

代羅敷誚使君

常言愛嵩山別妾向東京朝來見人說却知在石城未必菖蒲花只向石城生自是使君眼見物皆有情麋鹿同上山蓮藕同在泥莫學天上日朝東暮還西

南征怨

萬浪東不回昭王南征早龍舟沒何處獨樹江上老吾



牽衣泣悲號自相顧死者雖無言那堪生者悟不如無  
手足得見齒髮暮乃知七尺軀却是速死具

姑蘇臺

南宮酒未銷又宴姑蘇臺美人和淚去半夜閤門開相  
對正歌舞笑中間鼓鼙星散九重門血流十二街一去  
成萬古臺盡人不回時間野田中拾得黃金釵

棄婦

嫁來未曾出此去長別離父母亦有家羞言何以歸此

千金買魚燈泉下照狐兔行人上陵過却弔扶蘇墓壘  
纍壘壙中物多於養生具若使山可移應將秦國去舜沒  
雖在前今猶未封樹

趙城懷古

邯鄲舊公子騎馬又鳴珂手揮白玉鞭不避五侯車閒  
愁春日短沽酒入倡家一笑千萬金醉中贈秦娥如今  
高原上樹樹白楊花

代班姬

欲問水濱宮殿已生草

和潘安仁金谷集

太守龍為馬將軍金作車  
香飄十里風風下綠珠歌  
莫怪坐上客嘆君庭前花  
明朝此池館不是石崇家

薄命妾

薄命常惻惻出門見南北  
劉郎馬蹄疾何處去不得  
淚珠不可收蟲絲不可織  
知君綠桑下更有新相識

始皇陵下作

人去長空獨鳥隨不堪風景隔忠義寡相知

題石甕寺

僧室并皇宮雲門輦路同渭分雙闕北山迴五陵東脩  
綆懸林表深泉汲洞中人煙窺垤蟻駕瓦拂冥鴻蘚壁  
松生峭龕燈月照空稀逢息心侶獨禮竺乾公

送冊東夷王使

越海傳金冊華夷禮命行片帆秋色動萬里信潮生日  
映孤舟出沙連絕島明翳空翻大鳥飛雪噴長鯨舊鬢

花影明交宮鶴翎碎宿客晨不飛猶疑月光在碧樹香  
盡發蠹蟲聲漸退有客懷兔園吟詩遶城內

去不返

寒女不自知嫁為公子妻親情未識面明日便東西但  
得上馬了一去頭不回雙輪如鳥飛影盡東南街九重  
十二門一門四扇開君從此路去妾向此路啼但得君  
見面不辭插荆釵

送厲國南下第歸澧州

翠蓮動吟餘紅燭移開口啖酒肉將何報相知況我魏  
公子相顧不相疑豈學官倉鼠飽食無所為白露霑碧  
草芙蓉落清池自少不到處全家忽如歸吾宗處清切  
立白玉墀方得一侍座單車又星飛願將門底水永  
託萬頃陂

賀雪寄本府尚書

雨雪不順時陰陽失明晦麥根半成土農夫泣相對我  
公誠訴天天地忽已泰長飈卷白雲散落羣峰外拂砌

當春人盡歸我獨無歸計送君自多感豈是緣下第君  
看山上草盡有干雲勢結根既不然何必更掩袂澧水  
鱸魚賤荆門楊柳細吟君別我詩悵望水煙際

吳宮宴

吳宮城闕高龍鳳遙相倚四面鏗鼓鐘中央列羅綺春  
風時一來蘭麝聞數里三度明月落青蛾醉不起江頭  
鐵劍鳴玉座成荒壘適來歌舞處未知身是鬼

從天平節度使遊平流園

池塘靜於寺俗事不到眼下馬如在山令人忽疎散明  
公有高思到此遂長返乘興挈一壺折荷以為盞入竹  
藤似蛇侵牆水成蘚幽鳥不識人時來拂冠冕沿流路  
若窮及行路猶遠洞中已云夕洞口天未晚自憐不羈  
者寫物性常簡翻愁此興多引得嵇康懶

薊北門行

長河凍如石征人夜中戍但恐筋力盡敢負將軍遇古  
來死未歇白骨礙官路豈無一有功可以高其墓親戚



花影明交宮鶴翎，碎宿客晨不飛。猶疑月光在碧樹香，  
盡發蠹蟲聲。漸退有客懷，兔園吟詩遠城內。

去不返

寒女不自知，嫁為公子妻。親情未識面，明日便東西。但  
得上馬了一去，頭不回。雙輪如鳥飛，影盡東南街。九重  
十二門，一門四扇開。君從此路去，妾向此路啼。但得君  
見面，不辭插荆釵。

送厲國南下第歸澧州

池塘靜於寺俗事不到眼下馬如在山令人忽踈散明  
公有高思到此遂長返乘興挈一壺折荷以為盞入竹  
藤似虵侵牆水成蘚幽鳥不識人時來拂冠冕沿流路  
若窮及行路猶遠洞中已云夕洞口天未晚自憐不羈  
者寫物性常簡翻愁此興多引得愁康嬾

薊北門行

長河凍如石征人夜中戍但恐筋力盡敢負將軍遇古  
來死未歇白骨礙官路豈無一有功可以高其墓親戚

當春人盡歸我獨無歸計送君自多感豈是緣下第君  
看山上草盡有干雲勢結根既不然何必更掩袂澧水  
鱸魚賤荆門楊柳細吟君別我詩悵望水煙際

吳宮宴

吳宮城闕高龍鳳遙相倚四面鏗鼓鐘中央列羅綺春  
風時一來蘭麝聞數里三度明月落青蛾醉不起江頭  
鐵劍鳴玉座成荒壘適來歌舞處未知身是鬼

從天平節度使遊平流園

欽定四庫全書

石倉歷代詩選卷八十四

明 曹學佺 編

晚唐十一

曹鄴

字鄴之  
桂州人

風人體

出門行一步形影便相失何況大隄上驄馬如箭疾  
夜啼織婦尋思待成足郎今不在家在家亦如出

杏園即事

歧路不在天十年行不至一旦公道開青雲在平地枕  
上數聲鼓衡門已如市白日探得珠不待驪龍睡忽忽  
出九衢僮僕顏色異故衣未及換尚有去年淚晴窗照  
花影落絮浮野翠對酒時忽驚猶疑夢中事

恃寵

二月樹色好昭儀正驕奢恐君愛陽艷斫却園中花三  
十六宮女髻鬟各如鴉君王心所憐獨自不見瑕臺上

命換他恩功成誰作主鳳凰樓上人夜夜長歌舞

登岳陽樓有懷寄座主相公

南登岳陽樓北眺長安道不見昇平里千山樹如草骨  
肉在南楚沈憂起常蚤白社愁成空秋蕪待誰掃常聞  
詩人語西子不宜老賴識丹元君時來語蓬島

將寄天平職書懷寄翰林從兄

居處絕人事門前雀羅施誰遣辟書至僕隸皆展眉足  
馬渡河洛西風飄路歧手執王粲筆閑吟向旌旗香晚

紅燈盡未肯下金車一笑不得所塵中悉無家飛燕身  
更輕何必恃容華

四望樓

背山見樓影應合與山齊座上日已出城中未鳴鷄無  
限燕趙女吹笙上金梯風起洛陽東香過洛陽西公子  
長夜醉不聞子規啼

戰城南

千金畫陣圖自為弓劍苦殺盡田野人將軍猶愛武性

忽然起白日黯已晦如何怨路長出門天子外

滙川寄劉進士

我家不背水君身不向越自是相憶苦忽如經年別山  
家草木閑石上有殘雪美人望不見迢迢雲中月

故人寄茶

劍外九華英緘題下玉京開時微月上碾處亂泉聲半  
夜招僧至孤吟對月烹碧沈霞脚碎香泛乳花輕六腑  
睡神去數朝詩思清月餘不敢費留伴肘書行



送進士下第歸南海

數片紅霞映夕陽攬君衣袂更移觴行人莫嘆碧雲晚  
上國每年春草芳雪過藍關寒氣薄鴈回湘浦怨聲長  
應無惆悵滄波遠十二玉樓非我鄉

碧尋宴上有懷知己

荻花蘆葉滿溪流一簇笙歌在水樓金管曲長人盡醉  
玉簪恩重獨生愁女蘿力弱難逢地桐樹心孤易感秋  
莫怪當欣却惆悵全家欲上五湖舟

早秋宿田舍

澗草疎疎螢火光  
山月朗朗楓樹長  
南村犢子夜聲急  
應是欄邊新有霜

老圃堂

邵平瓜地接吾廬  
穀雨乾時手自鋤  
昨日春風欺不在  
就牀吹落讀殘書

曹唐

字堯賓  
桂州人

長安春舍叙邵陵  
舊宴懷永門蕭使君

庭草

庭草根自淺造化無遺功  
低回一寸心不敢怨春風

過白起墓

毗陵火焰滅長平生氣低  
將軍臨老病賜劍咸陽西

金井怨

西風吹急景美人照金井  
不見面上花却恨井中影

早起

月墮滄浪西門開樹無影  
此時歸夢闌立在梧桐井

三年身逐楚諸侯，賓榻容居最上頭。  
飽聽笙歌陪夜飲，熟尋雲水縱閒遊。  
朱門鎖閉煙霞暮，鈴閣清冷水木秋。  
月滿前山圓不動，更邀詩客上高樓。

奉送嚴大夫再領容州

海風卷樹凍嵐消，憂國寧辭嶺外遙。  
自顧勤勞甘百戰，不將功業負三朝。  
劍澄黑水曾芟虎，箭劈黃雲慣射鵝。  
代北天南盡成事，肯將心許霍嫖姚。

贈南嶽馮處士

寂寥深水閑煙霞洞裏相知有幾家  
笑看潭魚吹水沫  
醉嗔溪鹿喫蕉花  
穿厨歷歷泉聲細  
繞屋悠悠樹影斜  
夜靜著灰封釜竈  
自添文武養丹砂

題子姪雙松

自種雙松費幾錢  
頓令院落似秋天  
能藏此地新晴雨  
却惹空山舊燒煙  
枝壓細風過枕上  
影籠殘月到窗前  
莫教取次成閒夢  
使汝悠悠十八年

送康祭酒赴輪臺

樹入天台石路新  
細雲和雨動無塵  
煙霞不是生前事  
水木空疑夢後身  
往往鷄鳴巖下月  
時時犬吠洞中春  
不知何地歸依處  
須就桃源問主人

仙子送劉阮出洞

殷勤相送出天台  
仙境那能却再來  
雲液每歸須強飲  
玉書無事莫頻開  
花當洞口應長在  
水到人間定不迴  
惆悵溪頭從此別  
碧山明月照蒼苔

仙子洞中有懷劉郎

灞水橋邊酒一杯送君千里走輪臺  
霜黏海眼旗聲凍  
風射犀文甲縫開  
斷磧簇煙山似米野營軒地鼓如雷  
分明會得將軍意  
不斬樓蘭不擬迴

漢武帝將候西王母下降

崑崙凝想最高峰  
王母來乘五色龍  
歌聽紫鸞猶縹緲  
語來青鳥許從容  
風迴水落三清月  
漏苦霜傳五夜鐘  
樹影悠悠花悄悄  
若聞簫管是行蹤

劉晨阮肇遊天台

上國花照地遣君向西征旁人亦有恨況復故人情單  
車欲云去別酒忽然醒如何今夜夢半作道路程邊士  
不好禮全家住軍城城中鼓角嚴旅客常夜驚中有左  
記室逢人眼光明西門未歸者下馬如到京還應一開  
卷為子心不平殷勤說中抱壯志勿自輕

山中

落第非有罪茲山聊歸止山猿隔雲住共飲山中水讀  
書時有興坐石忘却起西山忽然暮往往遺巾履經時



題武陵詞二首

此生終使此身閒，不是秦時且要還。  
努力桃花與流水，莫辭相送到人間。

桃花夾岸杏何之，花滿春山水去遲。  
三宿武陵溪上月，始知人世有秦時。



一出門兼俟僮僕喜常被山中笑求名豈如此

城南野居寄知己

奔走未到我在城如在村出門既無意豈如常閉門作  
詩二十載闕下名不聞無人為開口君子獨有言身為  
苦寒士一笑亦感恩殷勤中途上勿使車無輪

霽後作

新霽辨草木晚塘明衣衿乳燕不歸宿雙雙飛向林微  
照露花影輕雲浮麥陰無人可招隱盡日登山吟

寄賈馳先輩

遊子想萬里何必登高臺  
聞君燕女吟如自薊北  
來長安高蓋多健馬  
東西街盡說蒿簪  
古將錢買金釵  
我祖西園事觸之  
獨傷懷如今數公子  
如鳥無樹棲濟水  
一入河便與清流乖  
聞君欲自持勿使吾道夷

送友人入塞

亂蓬無根日送子  
入青塞蒼茫萬里秋  
如見原野大鳥雀  
寒不下山川迴相對  
一馬沒黃雲登高望  
猶在驚風

不將清瑟理霓裳塵夢那知鶴夢長洞裏有天春寂寂  
人間無路月茫茫玉沙瑤草連溪碧流水桃花滿澗香  
曉露風燈零落盡此生無處訪劉郎

織女懷牛郎

北斗佳人雙淚流眼穿腸斷為牽牛封題錦字凝新恨  
拋擲金梭結舊愁桂樹三天雲漠漠銀河一帶水悠悠  
欲將心就仙郎說借問榆花早晚秋

漢武帝思李夫人

石倉歷代詩選卷八十四

欽定四庫全書

集部

石倉歷代詩選卷八十五至八

詳校官庶吉士臣范逢恩

侍讀臣孫球覆勘

總校官進士臣朱 銜

校對官中書臣王慶長

謄錄監生臣楊方柱

芝蕙芸花爛漫春  
瑞香煙露濕衣中  
玉童私地誇書札  
偷寫雲瑤暗贈人

天上邀來不肯來  
人間雙鶴又空回  
秦皇漢武死何處  
海畔紅桑花自開

共愛初平住九霞  
焚香不出閉金華  
白羊成隊難收去  
喫盡溪頭巨勝花

叔卿遍覽九天春  
不見人間故舊人  
怪得蓬萊山下水  
半成沙土半成塵

惆悵朱顏不復歸  
晚秋黃葉滿天飛  
迎風細荇傳香粉  
隔水殘霞見畫衣  
白玉帳寒鴛夢絕  
紫陽宮遠鴈書稀  
夜深池上蘭橈歇  
斷續歌聲接太微

小遊仙詩十首

海水西飛照柏林  
青雲斜倚錦雲深  
水風暗入古山葉  
吹斷步虛清磬音

洞裏煙霞無歇時  
洞中天地足金芝  
月明朗朗溪頭樹  
白髮老人相對碁



金史巴...  
昨夜相邀宴杏壇等閒乘醉走青鸞紅雲塞路東風緊  
吹破芙蓉碧玉冠

方士飛軒駐碧霞酒香風冷月初斜不知誰唱春歸曲  
落盡溪頭白玉花

暫隨鳧伯縱閒遊飲鹿因過翠水頭宮殿寂寥人不見  
碧花菱角滿潭秋

新授金書入素章玉皇教妾主扶桑與君一別三千歲  
却厭仙家日月長

途中

一棹歸何處蒼茫落照昏無媒應失路有路始知春  
湖岸春耕廢江城戰鼓喧儒冠苦相誤何日始乘軒

西陵夜居

寒潮落遠汀暝色入柴扃漏永沈沈靜燈孤的的青林  
風移宿鳥池雨定流螢盡夜成愁絕啼蛩莫近庭

題越州法華寺

寺在五峰陰穿綠一逕尋雲藏古殿閣石護小房深宿

江南江北幾寒暑翠華猶在囊泉中一曲梁州淚如雨  
長史長史聽我語從來藝絕多失所羅君贈君兩首詩  
半是悲君半自悲

古離別

紫鸞黃鵠雖別離一舉千里何難追猶聞啼風與叫月  
流連斷續令人悲賦情更有深繾綣碧甃千尋尚為淺  
蟾蜍正向清夜流蛺蝶須教墮絲罥莫道斷絲不可續  
丹穴鳳凰膠不遠莫道流水不迴波海上兩潮長自返

座中忽遇吹蘆客雙攘輕袖當高軒含商吐羽凌非煙  
初疑瀑布一千尺八九月落香壚巔又似鮫人為客罷  
迸淚成珠玉盤瀉碧珊瑚碎震澤中金銀鐙撼龜山下  
鏗勺揭調初驚人幽咽細聲還感神紫鳳將雛叫山月  
玄菟喪子啼江春咨嗟長史出人藝如何值此艱難際  
可中長似承平基肯將此為閒人吹不是東城射雉處  
即應南苑鬪雞時白櫻桃熟每先賞紅芍藥開長有時  
賣珠曾被武皇問薰香不怕賈公知今來流落一何苦

太湖石歌

洞庭山下湖波碧波中萬古生幽石鐵索千尋取得來  
奇形怪狀誰能識初疑朝家正人立又如戰士方狙擊  
防風骨兮於菟額成人楓兮害癭柏雨過上停泓風來  
中有隙想得沈潛水府時興雲出雨蟠蛟螭今來砒砢  
林庭上長恐忽然生白浪用時應不稱蝸皇將去也堪  
隨博望噫嘻爾石好憑依幸有方池并釣磯小山叢桂  
且為伴鍾阜白雲長自歸何必豪家甲第裏玉闌干畔

爭光輝一朝荆棘忽流落何異綺羅雲雨飛

雨後聞思歸樂

山禽連夜叫兼雨未嘗休儘道思鄉樂應多離別愁我  
家方旅食故國在滄洲聞此不能寐青燈照屋幽

秋日渚宮即事

漠漠澹雲煙秋歸澤國天風高還促燕雨細未妨蟬靜  
引荒城望涼驚旅枕眠更堪憔悴裏欲泛洞庭船

荊州寓居書懷

一室四無隣，荒郊接古津。  
幽閒消俗態，搖落露家貧。  
絕迹思浮海，修書懶寄秦。  
東西不復問，翻笑泣岐人。

和嚴諫議蕭山廟

澤國瞻遺廟，雲韶仰舊名。  
一隅連嶂影，千仞落泉聲。  
老狄尋危棟，秋蛇束畫楹。  
自為遷客慣，那復怨徂征。

湖州溪樓書獻鄭員外

危檻等飛檣，閒追晚際涼。  
青林上雨色，白鳥破溪光。  
日以高須極，心因靜更傷。  
惟公舊相許，早晚待長楊。

二十年年少時五陵豪俠無不與之遊梨園新聲  
一聞之明日皆出我下洎巢賊腥穢宮闕逃難于東  
江淮間非吾土又無樂音敝衣旅食雙鬢皓然風月  
好時或亭臯送別必引滿自勸不能忘情一曲未終  
泫然承睫越鳥胡馬之感感動旁人羅進士隱初  
過金陵有贈詩尚能成誦在口余憫李之流落仰  
羅之所感故贈之時光啓戊申歲清明月之八日  
危樓壓溪溪澹碧翠裏紅飄鶯寂寂此日長亭愴別離



滄滄分故國渺渺泛杯歸天盡終期到人生此別稀無  
風亦駭浪未午已斜暉繫帛何須鴈金烏日日飛

夏夜有寄

月上簾如水軒高簾在鈎竹聲寒不夏蛩思靜先秋偶  
得青宵興方知白日愁所思何處遠斜漢欲低流

汴下晚泊

亭上風猶急橋邊月已斜柳寒難吐絮浪濁不成花岐  
路春三月園林海一涯瀟然正無寐夜櫓莫啞啞

鳥連僧定寒猿應客吟上方應見海月出試登臨

途中

柳弱風長在雲輕雨易休不勞芳草色更惹夕陽愁萬  
里獨歸去五陵無與遊春心漸傷盡何處有高樓

雨夜

旅夕那禁雨梅天已思秋未明孤枕倦相弔一燈愁有  
戀慚滄海無機奈白頭何人方睡穩溪上釣漁舟

送僧歸日本國

其二

隋堤風物已淒涼，堤下仍多舊戰場。  
金簇有苔人拾得，蘆花無主鳥銜將。  
秋聲暗促河聲急，野色遙連日色黃。  
獨上寒城正愁絕，戍鼙驚起鴈行行。

憶釣舟

青山小隱枕潺湲，一葉垂綸幾泝沿。  
後浦春風隨興去，南塘秋雨有時眠。  
慣衝曉霧驚羣鴈，愛颭殘陽入亂煙。  
迴首無人寄惆悵，九衢塵土困揚鞭。

欽定四庫全書

石倉歷代詩選卷八十五

明 曹學佺 編

晚唐十二

吳融

字子華  
山陰人

贈李長史歌

并序

余客武康縣既旬日將去邑長相餞于溪亭座中  
有李長史袖出蘆管自請聲以送客且言我業此

廢宅

風飄碧瓦雨推垣却有隣人與鑰門  
幾樹好花空白晝  
滿庭荒草易黃昏  
放魚池涸蛙爭聚  
栖燕梁空雀自喧  
不獨淒涼眼前事  
咸陽一火便成原

宋玉宅

草白煙寒半野陂  
臨江舊宅指遺基  
已懷湘浦招魂事  
更憶高唐說夢時  
穿逕早曾聞客住  
登牆豈復見人窺  
今朝送別還經此  
吟斷當年幾許悲

送友赴闕

故人歸去指翔鸞，樂帶離聲可有歡。  
驛路兩行秋吹急，渭波千疊夕陽寒。  
空郊已歎周禾熟，舊苑應尋漢火殘。  
遙羨從公無一事，探花先醉曲江干。

秋日經別墅

別墅蕭條海上村，偶期蘭菊與琴樽。  
簷橫碧嶂秋光近，樹帶閒潮晚色昏。  
幸有白雲眠楚客，不勞芳草思王孫。  
北山移去前文在，無復教人歎曉猿。

金橋感事

太行和雪疊晴空二月春郊尚朔風  
飲馬早聞臨渭北射鷗今欲過山東  
百年徒有伊川嘆五利寧無魏絳功  
日暮長亭正愁絕哀笳一曲戍煙中

禁直偶書

玉皇新復五城居仙館詞臣在碧虛  
錦砌漸看翻芍藥鎖窗還詠碧蟾蜍  
敢期林上靈烏語貪草雲間彩鳳書  
爭奈滄洲頻入夢白波無際落紅蕖

太保中書令軍前新樓

十二欄干壓錦城半空人語落灘聲風流近接平津閣  
氣色高含細柳營盡日捲簾江草綠有時欹枕雪峰晴  
不知捧詔朝天後誰此登臨看月明

送知古上人

昔年離別浙河東多難相逢舊楚宮振錫纔尋三逕草  
登船忽挂一帆風幾程村飯添盃白何處山花照衲紅  
不似投荒憔悴客滄浪無際問漁翁



望高山

三十六峰危似冠  
晴樓百尺獨登看  
高凌鳥外青冥窄  
翠落人間白晝寒  
不覺衡陽遮鴈過  
如何鍾阜指龍盤  
始知萬歲聲長在  
只待東巡動玉鸞

憶猿

翠微雲斂日沈空  
叫徹青冥怨不窮  
連臂影垂秋色裏  
斷腸聲盡月明中  
靜飄煙峽淒淒雨  
高弄霜天嫋嫋風  
猶有北山歸意在  
少驚佳樹近房櫳

送弟東歸

偶持麟筆侍金閨夢想三年在故溪  
祖竹定期簷雪折稚杉應拂凍雲齊  
謾勞筋力趨丹鳳可有文詞詠碧鷄  
此別更無間事囑北山高處謝猿啼

和張舍人

玉女盆邊雪未消正多春事莫無憀  
杏花向日紅勻臉雲帶環山白繫腰  
鶯囀樹頭欹枕聽凍開泉眼杖藜挑  
陵遷谷變如須問控鶴山人字子喬

新雁

湘浦春波始北歸，玉關搖落又南飛。  
數聲飄去和秋色，一字橫來背晚暉。  
紫閣高翻雲幕幕，灞川低渡雨微微。  
莫從思婦臺邊過，未得征人萬里衣。

憶山泉

穿雲落石細湔湔，盡日疑聞弄管絃。  
千仞灑來寒碎玉，一泓深去碧涵天。  
煙迷葉亂尋難見，月好風清聽不眠。  
春雨正多歸未得，只應流恨更潺湲。

書懷

傍巖依樹結蒼楹夏物蕭疎景更清  
灘響忽高何處雨松陰自轉一峰晴  
見多隣犬遙相認來慣幽禽近不驚  
爭得便誇饒勝事九衢塵裏免勞生

彭門用兵後經沛路

長門一望一徘徊千里關河百戰來  
細柳舊營猶鏤月祈連新塚已封苔  
霜凋綠野愁無際燒接黃雲慘不開  
若比江南更牢落子山詞賦莫興哀

浴遙天外江河戰鼓間孤懷欲誰寄應付塞鴻還

題豪家故園

歲久無泉引春來仰雨流萍乾粘朽檻沙淺露沈舟  
照影人何在持竿客寄遊翛然興廢外回首謝眠鷗

酬僧

吾師既續惠休才况值高秋萬象開吟處遠峰橫落照  
定中黃葉下青苔雙林不見金蘭久丹楚空翻組繡來  
聞說近郊寒尚綠登臨應待一追陪

關東獻兵部劉員外

昨夜星辰動仙郎近漢關  
玳筵吟雪罷錦帳押春還  
已到青雲上應棲絳圃間  
臨邛有詞賦一為奏天顏

途次淮口

寒流萬頃碧南渡見煙光  
人向隋宮近山盤楚塞長  
有村皆綠閭無逕不紅芳  
已帶傷春病如何更異鄉

登途懷友人

日落野原秀雨餘雲物閒  
清時正愁絕高處更躋攀  
京

寄楊侍郎

雲情鶴態莫誇慵，正上仙樓十二重。  
吟逸易沈鳩鵲月，夢長先斷景陽鐘。  
竒文已刻金書券，祕語看鐫玉簡封。  
何事春來待歸隱，探知溪畔有風松。

杏花

粉薄紅輕揜淚羞，花中占斷得風流。  
軟非因醉都無力，凝不成歌亦自愁。  
獨照影時臨水畔，最含情處出牆頭。  
徘徊盡日難成別，更待黃昏對酒樓。

登鶴雀樓

鳥在林梢脚底看夕陽無際戍煙殘凍開河水奔流急  
雪洗條山錯落寒始為一名拋故國近因多難怕長安  
祖鞭棹折徒為爾贏得雲溪負釣竿

次韻和王員外難遊四韻

一分難減亦難加得似溪頭沆越紗兩槳慣邀催去艇  
七香曾占取來車黃昏忽墜當樓月清曉休開滿鏡花  
誰見玉郎腸斷處露牀風簟半欹斜



分水嶺

兩派潺湲不暫停  
嶺頭長瀉別離情  
南隨去馬通巴棧  
北逐歸人達渭城  
澄處好窺雙黛影  
咽時堪寄斷腸聲  
柴溪舊隱還如此  
清夜梁山月更明

滌水席上獻座主侍郎

暖泉宮裏告虔回  
略避紅塵小宴閒  
落絮已隨流水去  
啼鶯還傍夕陽來  
草能緣岸侵羅薦  
花不容枝蘸玉杯  
莫訝諸生中獨醉  
感恩傷別正難裁

槎

浪痕龍迹老欹危  
流落何時別故枝  
歲月空教苔蘚積  
芳菲長倩薜蘿垂  
有文在朽人難識  
無靈藏心鳥莫窺  
家近滄浪從汎去  
碧天消息不參差

離岐下題西湖

送夏迎秋幾醉來  
不堪行色被蟬催  
身隨渭水看歸遠  
夢挂秦雲約自迴  
雨細若為拋釣艇  
月明誰復上歌臺  
千波萬浪西風急  
更與紅蕖把一杯

關西驛亭即事

晚霞零落雨初收  
關上危欄獨悵留  
千里好春聊極目  
五陵無事莫回頭  
山猶帶雪霏霏恨  
柳未禁寒冉冉愁  
直是無情也腸斷  
烏歸帆沒水空流

東歸次瀛上

暖煙輕澹草霏霏  
一片晴山襯夕暉  
水露淺沙無客泛  
樹連疎苑有鶯飛  
自從身與滄浪別  
長被春教寂寞歸  
回首青門不知處  
向人楊柳莫依依

子規

舉國繁華委逝川，羽毛飄蕩一年年。  
他山叫處花成血，舊苑春來草似煙。  
雨閣不離濃綠樹，月斜長弔欲明天。  
湘江日暮聲淒切，愁殺行人歸去船。

春歸次金陵

春陰漠漠覆江城，南國歸橈趁晚程。  
水上驛流初過雨，樹籠堤處不離鶯。  
迹跡冠蓋兼無夢，地近鄉園自有情。  
便被東風動離思，楊花千里雪中行。

中秋陪熙用學士禁中翫月

月圓年十二秋半每多陰  
此夕無纖靄同君宿禁林  
未高知海闊當午見宮深  
衣似繁霜濕身疑積水沈  
遭逢陪侍輦歸去憶抽簪  
太液池南岸相期到曉吟

岐下聞杜鵑

化去蠻鄉北飛來渭水西  
為多亡國恨不忍故山啼  
怨已驚秦鳳靈應識漢鷄  
數聲煙漠漠餘思草萋萋  
樓迴波無際林昏日又低  
如何不腸斷家近五雲溪

偶書

青牛關畔寄孤村山當屏風石當門古樹綠陰連蔽芾  
長河飛浪接崑崙苔田綠後蛙爭聚麥隴黃時雀更喧  
只此無心便無事避人何必武陵源

即事

抵鵲山前雲揜扉更甘終老脫朝衣曉窺清鏡千峰入  
暮倚長松獨鶴歸雲裏引來泉脈細雨中移得藥苗肥  
何須一筋鱸魚膾始挂孤帆問釣磯

花村六韻

地勝非離郭花深故號村已憐梁雪重仍愧楚雲繁山  
近當吟冷泉高入夢喧依稀小有洞邂逅武陵源月好  
頻依座風輕莫閉門流鶯更多思百轉待黃昏

即席十韻

住處方窺宋平生未嫁盧暖金輕鑄骨寒玉細凝膚妬  
蝶長成伴傷鸞耐得孤城堪迷下蔡臺合上姑蘇弄眼  
難降柳含茸欲鬪蒲生涼雲母扇直夜博山鑪翡翠交

上陽宮辭

苑路青青半是苔，翠華西去未知回。  
景陽春漏無人報，太液秋波有鴈來。  
素影可堪明月照，紅顏無奈落花催。  
誰能賦得長門事，不惜千金奉酒杯。

春晚書懷

落盡紅芳春意闌，綠蕪空鎖辟疆園。  
嫦娥斷影霜輪冷，帝子無蹤露竹繁。  
未達東林還絕想，不勞南浦更消魂。  
晚來誰共殘鶯約，爭奈風淒又雨昏。



春雨

霏霏漠漠暗和春  
冪翠凝紅色更新  
寒入臆裘濃曉睡  
細隨油壁靜香塵  
連雲似織休迷雁  
帶柳如啼好贈人  
別有空階寂寞事  
綠苔狼藉落花頻

和陸拾遺題諫院松

落落孤松何處尋  
月華西畔結根深  
曉舍仙掌三清露  
晚上宮牆百雉陰  
野鶴不歸應有怨  
白雲高去太無心  
碧巖秋澗休相望  
捧日元須在禁林

東歸望華山

碧蓮重疊在青冥落日垂鞭緩客程  
不奈春煙籠閣澹  
可堪秋雨洗分明南邊已放三千馬  
北面猶標百二城  
只怕仙人撫高掌年年相見是空行

葉落

紅影飄來翠影微一辭林表不知歸  
伴愁無色煙猶在  
替恨成啼露未稀若逐水流應萬里  
莫因風起便孤飛  
楚郊千樹秋聲急日暮紛紛惹客衣

花繁好避人長干足風雨遙夜與誰隣

倒次元韻

南陌來尋伴東城去卜隣生憎無賴客死憶有情人似  
束腰支細如描髮彩勻黃鸝裁帽貴紫燕刻釵珍身近  
從淄石家元接觀津雨臺誰屬楚花洞不知秦淚滴空  
牀冷粧濃滿鏡春枕涼欹琥珀簟潔展麒麟茂苑廊千  
步昭陽殿九輪陽城迷處笑京兆畫時顰魚子封牋短  
蠅頭學字真易判期已遠難諱事還新艇子愁衝夜驪

題揚子津亭

揚子江津十四經紀行文字徧長亭驚人旅鬢漸新白  
無事海門依舊青前路莫知霜凜凜故鄉何處雁冥冥  
可憐不識生離者數點漁帆落暮汀

還俗尼

本是  
歌妓

柳眉梅額倩時新笑脫袈裟得舊身三峽却為行雨客  
九天曾是散花人空門付與悠悠夢寶帳迎回暗暗春  
寄語江南徐老說一生長短託清塵

駒怕拂晨如何斷岐路免得見行塵

賦得欲曉看粧面

朧朧欲曙色隱隱辨殘粧月始雲中出花猶霧裏藏  
眉邊全失翠額畔半留黃轉入金屏影隈侵角枕光有蟬  
墮鬢樣無燕著釵行十二峰前夢如何不斷腸

野廟

古原荒廟揜莓苔何處喧喧鼓笛來日暮烏歸人散盡  
野風吹起紙錢灰

清香無以敵寒梅可愛他鄉獨看來為憶故溪千萬樹  
幾年辜負雪中開

訓僧

玉堂全不限常朝卧待重城宿霧銷翻憶故山深雪裏  
滿鑪枯柏帶煙燒

秋色

染不成乾畫未銷霏霏拂拂又迢迢曾從建業城邊路  
蔓草寒煙鎖六朝

無人知道外邊寒

長生秘殿倚青蒼  
擬敵金庭不死鄉  
無奈逝川東去急  
秦陵松柏徧殘陽

金陵懷古

玉樹聲沈戰艦收  
萬家冠蓋入中洲  
秣應江令徧惆悵  
頭白歸來是客遊

憶街西所居

衡門一別夢難稀  
人欲歸時不得歸  
長憶去年寒食夜

秋園

始憐春草細霏霏不覺秋來綠漸稀  
惆悵擷芳人散盡  
滿園煙露蝶高飛

山居即事

小亭前面接青崖白石交  
加襯綠苔日暮松聲滿階砌  
不關風雨鶴歸來

華清宮二首

四郊飛雪暗雲端惟此宮中落旋乾  
綠樹碧簷相掩映



秋闈子規

年年春恨化冤魂  
血染枝紅壓疊繁  
正是西風花落盡  
不知何處認啼痕

憶事

去年花下把瓊卮  
曾賦楊花數句詩  
回首朱門閉荒草  
如今愁到牡丹時

涼思

松間小檻接波平  
月澹煙沈暑氣清  
半夜水禽棲不定

石珠爭碎縈堤練不收  
照花長樂曙泛菊建章秋  
影泣金莖表光搖綺陌  
頭旁沾畫眉府斜入教  
簫樓有雨難澄鏡無萍  
易擲鈎祇懷涇合慮不帶隴分愁  
自有朝宗樂曾無潰穴憂不勞誇大漢清渭貫神州

和睦州盧中丞題茅堂十韻

有士當今重忘情自古稀  
獨開青嶂路間掩白雲扉  
石累千層險泉分一帶微  
棟危猿競下簷迴鳥爭歸  
煙冷茶鐺靜波香蘭舸飛  
好移鐘阜蓼莫種首陽薇  
樹密含

粧鏡鴛鴦入畫圖無心同石轉有淚約泉枯猿渴應須  
見鷹飢祇待呼銀河正清淺霓節過來無

古錦裾六韻

濯水經何日隨風故有人綠衣猶偏畫丹頂尚迷真閣  
淡雲沈古青蒼蘚剝新映襟知惹淚侵鞦尚縈塵掣曳  
無由覩流傳久自珍武威應認得牽挽幾當春

御溝

一水終南下何年派到溝穿城初北注過苑却東流激

韻和宮漏無香雜  
畹蘭地凝雲鑠  
易日近雪封難靜稱  
圍棊會閒宜閣筆  
看他年終結實不羨樹棲鸞

和韓致光侍郎無題

綺閣臨初日  
銅臺拂暗塵  
鷓鴣偏報喜  
烏鴂慣驚晨  
魚網裁書數  
鷓絃上曲新  
擣衣嫌獨杵  
分袂怨雙輪  
貝葉教丹箔  
金刀寄赤鱗  
捲簾吟塞雪  
飛楫渡江春  
解識宜名惠  
能歌合姓秦  
眼穿迴雁嶺  
魂斷飲牛津  
藥自偷來絕  
香從竊去珍  
茗煎雲沫聚  
藥種玉苗勻  
草密應迷客

綠荷風動露珠傾

鮫綃

雲供片段月供光  
貧女寒機枉自忙  
莫道不蠶能致此  
海邊何事有扶桑

潮

暮去朝來無定期  
桑田長被此聲移  
蓬萊若採人間事  
一日還應兩度知

雲

西京道中聞蛙

雨餘林外夕煙沈  
忽有蛙聲伴客吟  
莫怪聞時倍惆悵  
稚圭蓬葦在山陰

王母廟

鸞龍一夜降崑丘  
遺廟千年枕碧流  
賺得武皇心力盡  
忍看煙草茂陵秋

送許校書

故人言別倍依依  
病裏荆苦憶違  
明日柳亭門外路

南北東西似客身  
遠峰高鳥自為隣  
清歌一曲猶能住  
莫道無心勝得人

賣花翁

和煙和露一叢花  
擔入宮城許史家  
惆悵東風無處說  
不教閒地著春華

自諷

世路升沈合自安  
故人何必苦相干  
途窮始解東歸去  
莫過嚴陵七里灘

不知誰賦送將歸

山僧

石臼山頭有一僧朝無香積夜無燈近嫌俗客知蹤跡  
擬向中方斷石層

小徑

礙竹妨花一徑幽攀援可到玉峰頭若教須作康莊好  
更有高車駟馬憂

聞提壺鳥



聚應搜火秦喧定走車誰知恨榆柳風景似吾家

綿州城樓

溪邊女浣沙樓下海棠花極望非吾土多情擬置家前  
山應象外此地已天涯未有銷憂賦梁王禮正奢

春早寓長安作

疎拙自沈昏長安似僻村春非間客事花在五侯門道  
拙仍憂禍詩深不敢論揚雄若有薦君聖合承恩

送馮溫往河外

來人不識帝里獨戎裝

懸軍征柘羯內地隔蕭關日色崑崙上風聲朔漠間何  
當千萬騎颯颯貳師還

和楊中丞早春即事

貴宅登臨地春來見物華遠江橋外色繁杏竹邊花戍  
客烽樓迴文君酒幔斜新題好不極珠府未窮奢

寒食有懷

流落傷寒食登臨望歲華村毬高過索墳樹綠和花晉

贈隱者

自得高閒性平生向北栖  
月潭雲影短山葉雨聲齊  
庭樹人書匝欄花鳥坐低  
相留永不忘夕宿話丹梯

贈禪師

夢想青山寺前年住此中  
夜堂吹竹雨春地落花風  
舊句師曾見清齋我亦同  
浮生蹇莫問辛苦未成功

又贈隱者

門前雖有徑絕向世間行  
薙草因逢藥移花便得鶯  
甘

琴劍事行裝  
河關出北方  
秦音盡河內  
魏畫自黎陽  
野日村苗熟  
秋霖館葉黃  
風沙問船處  
應得立清漳

送從兄之太原副使

少載琴書去  
須知暫佐軍  
初程見西嶽  
盡室渡橫汾  
元日何州住  
枯風宿館聞  
都門送行處  
青紫騎紛紛

送友人出塞

榆關到不可  
何況出榆關  
春草臨岐斷  
邊樓帶日閒  
人歸穹帳外  
鳥亂廢營間  
此地秋堪想  
霜前作意還

日斜還向古蒲州

闕中秋夕

簾濕秋庭嶽在煙  
露光明滑竹蒼然  
何人意緒還相似  
鶴宿松枝月半天

贈韋氏歌人

一曲新聲慄畫堂  
可能心事憶周郎  
朝來為客頻開口  
綻却桃花幾許香

折楊柳

聖燈

莽莽空中稍稍燈  
坐看迷濁變清澄  
須知火盡煙無益  
一夜欄邊說向僧

贈出塞客

出郊征騎逐風埃  
此別惟愁春未迴  
寒葉夕陽投宿意  
蕭關門向遠河開

蒲中霽後晚望

河邊霽色無人見  
身帶春風立岸頭  
濁水茫茫有何意

自把春羅作舞衫

龍麝薰多骨亦香  
因經寒食好風光  
何人畫得天生態  
枕破施朱隔宿妝

滴滴春霖透荔枝  
筆題牋動手中  
垂天陰不得  
君王召喚著青蛾作小詩

身是三千第一名  
內家叢裏獨分明  
芙蓉殿上中元日  
水拍銀盤弄化生

山下偶作

華清高樹出離宮  
南陌柔條帶暖風  
誰見輕陰是良夜  
瀑泉聲畔月明中

洛橋晴影覆江船  
羌笛秋聲濕塞煙  
閒想習池公宴罷  
水蒲風絮夕陽天

和花煙樹九重城  
夾岬春陰十萬營  
惟向邊頭不堪望  
一株憔悴少人行

吳姬

夜鑲重門晝亦監  
眼波嬌利瘦巖巖  
偏憐不怕傍人笑



羨君歸去五峰前  
往往星河實見仙  
麥隴夏枯成廢地  
棗枝秋赤近高天  
山泉飲犢流多變  
村酒經蠶味可憐  
曾約道門終老住  
步虛聲裏寄閒眠

秋夜將離滑臺示所知

燈澀秋光靜不眠  
葉聲峰影客窗前  
園露濕鳴蛩夕  
急雨風吹落木天  
城見遠山應北嶽  
野多空地本南燕  
明朝欲別忘言處  
愁把離杯聽管絃

秋夜旅舍寓懷

南朝才子尚途窮，畢竟應須問葉公。  
書劔伴身離泗上，雪風吹面立船中。  
家園棗熟歸圭竇，會府槐疎試射弓。  
相顧日偏留不得，夜深聊欲一杯同。

許州題觀察判官廳

三載從戎類繫匏，重遊全許尚分茅。  
劉郎別後無遺履，丁令歸來有舊巢。  
冬暖井梧多未落，夜寒窗竹自相敲。  
纖腰弟子知千恨，笑與揚雄作解嘲。

送李倍巡官歸永樂舊居

百蠻降伏奏三秦錦里風迴歲已新渠濫水泉花巷濕  
日銷冰雪柳營春何年道勝蘇羣物盡室天涯是旅人  
焚却蜀書宜不讀武侯無可律余身

春日書懷

伯牙絃絕豈求知往往情牽自有詩隴月正當寒食夜  
春陰初過海棠時耽書未必酬良相斷酒惟堪作老師  
多病不任衣更薄東風臺上莫相吹

晚春

燕臺基壞穴狐蛇計拙因循歲月賒兵革未銷王在鎬  
桑蠶臨熟客還家霏微對岸漳邊雨堆阜隣疆薊北沙  
若到長平戰場地為求遺鏃辟魔邪

并州

少年流落在并州裴脫文君取次遊攜挈共過芳草渡  
登臨齊凭綠楊樓庭前蛺蝶春方好牀上檇菹宿未收  
坊號偃松人在否餅爐南畔曲西頭

早春書事

金史四庫全書  
卷八十五  
惡憐風景極交親每恨年年作瘦人  
卧晚不曾拋好夜  
情多惟欲哭殘春  
陰成杏葉纔通日  
雨著楊花已汚塵  
無限後期知有在  
只愁煩作總戎身

牡丹

去年零落暮春時  
淚濕紅箋怨別詩  
常恐便隨巫峽散  
何因重有武陵期  
傳情每向馨香得  
不語還應酩酊知  
欲就欄邊安枕席  
夜深閒共說相思

華嶽

逢友人邊遊回

遊子新從絕塞迴，自言曾上李陵臺。  
樽前語盡北風起，秋色蕭條胡雁來。

京中客舍聞箏

十二三絃共五音，每聲如截遠人心。  
當時向秀聞隣笛，不是離家歲月深。

舟中酬楊中丞春早見寄

錦樓春望憶丹楹，更遇高情說早鶯。  
江上曉寒吟不得。

簇簇復亭亭三峰卓杳冥每思窮本末應合記圖經發  
地連宮觀衝天接井星河微臨巨勢秦重載竒形太古  
朝羣后中央擘巨靈隣州猶映檻幾樹恰當庭鶴毳壇  
風亂龍窟洞水腥望遙通北極上徹見東溟客玩晴難  
偶農祈雨必零度關無暑氣過路得愁醒羽客時應見  
霜猿夜可聽頂懸飛瀑峻崦合白雲青混石猜良玉尋  
苗得茯苓從官知側近悉俸致巖扁

中秋旅舍書懷

雲捲庭虛月逗空一方秋草亂鳴蛩是時兄弟正南北  
黃葉滿庭來去風

邊柳

高出軍營遠映橋賊兵曾斫火曾燒風流性在終難改  
依舊春來萬萬條

柳枝詞

西園高樹後庭根處處尋芳有折痕終憶我遊桃葉舍  
一株斜映竹籬門



零雨露山百草香樹梢山頂盡斜陽橫流巨石皆堪住  
何事無僧有石房

秋溪獨坐

黃葉分飛砧上下白雲零落馬東西人生萬意正端坐  
日暮水聲流出溪

宋氏林亭

地濕莎青雨後天桃花紅近竹林邊行人本是農桑客  
記得春深欲種田

溫風梅雨滿船輕

石倉歷代詩選卷八十五